

NGUNI OYU?



Ule lekwe, mukwesu. Ncibotu loko kusika ku ng'anda ya Mwami.

² Ndi yeeya kuti Nda kali kulangalanga Lugwalo, ciindi cimwi cakainda, nkabela Lwa kaamba kuti cindi Jesu nakali kuswena ku Jerusalemu, eelyo basikwiiya baka tambya meso abo akubona munzi uusalala kulaale, nkabela baka talika kusekelela akwaamba, kuti, “Lino bwami buya kuboozegwa.”

³ Elyo oyu muntu umwi wakali kwaamba, na kwaambaula makani akuswaya kwalino ku Palestine, elyo wa kati bantu eno, mu mwaka wainda, kali kusika ku busena obo, cindi niba kazwa ku kkuti akulanga kanyoneno okonse, mugwagwa ngonya Jesu a basikwiiya ngoba keendela ciindi eco, kuti cindi niba ka bona munzi, baka talika koomoka.

⁴ Nywebo mulizi, Ndila syoma, kwakali cintucimwi abo basikwiiya, mu mazuba ayo, mbo bakalimvwa, kuti—kuti bwami nibwaka boozegwa alubo.

⁵ Elyo eno citandila kuba ciindi. Alimwi Ndi syoma kuti oko nkulimvwa kujisi bantu, kuti bwami bulaafwi kulibambila kuboozegwa alubo.

⁶ Mukwesu Neville, mweembeli wesu siluzyalo aulelekedwe, wazwaa kundaambila makani a kubeleka kwa lubukulusyo luboola okuno ku cikombelo, mu masiku masyoonto, bwa kukombela. Elyo Nda mwaambila kuti, Ndi yeeya kuti inga caba cintu cilelekedwe.

⁷ To konzyi kuba a lubukulusyo lunji kapati. Alimwi ziindi zinji tu jisi muzeezo uataluzi kujatikizya lubukulusyo. Ii lubukulusyo taluli lwa kuleta mamembala manji, pele ndwa kubukulusya eco ciliko kale. Elyo Ndili. . .

⁸ Ndi yanda kwaamba ceeci, nkaambo Nda caamba kuzwa kungsi lya moyo wangu. Kutu Ndi limvwa kujana kulimvwa kwandeeene ku cikombelo kwinda eco cakaliko kwa ciindi cilamfu, kulimvwa kwa—kwa gano lisakene lya kumuuya, mbuli mbo kwakabede, ciindi cilamfu loko; kuti cintucimwi eco cibambwa, alimwi cijisi ntalisyo ini. Elyo Ndi syoma kuti Leza uyo leleka mbungano eyi niini, alimwi. . .? . . .alubo mu nguzu zyayo.

⁹ Elyo Nda abona mabambe akuyaka kazumanana, nkabela Ndi yeeya kuti ncintu cipati. Nkambo, kucindi ciciza, to bantu bakaindi tuyu kusamununa zilwanyo akuzipa kujoka mu maanza a bana besu, a kweenda kutanta ayo Matantilo angolide.

¹⁰ I buzuba bumwi Nda kainda cisela ca mbaakani eno, ca myaka yakukomena ili makumi osanwe. Nse konzyi kumvwa

eco buya. Taku boneki mbuli kuti tii cakali ciindi kuzwa Ne kali kususa magrosari aa Chris Meisner, kutandila myaka ili kkumi alusele, kkumi acisambomwe, kkumi alusele yakainda. Pele kainka buyo kumwi. Ciinka buyo kutondezya kuti ano tatukwe munzi uzumanana, pele tu yandaula Umwi uciboola. Elyo oyo Munzi oko Leza nkwali muyasi, alimwi takukabi magolelo okuya.

¹¹ Cifumo cino, mbuli Mbwele kukanana a ciiyo ca Buzuba bwa Bamatumbu, a kusola kubikka mutumbu kutali mbwabede bwini, mu kucembaala, a kusutana lukanda, a koonse oku, makkilacci aakwe, na whiluccheya yakaindi, na cuuno ca kuboko, a mupika muniini wa malubaluba ukkede muni lyakwe; pele mutumbu mu bubuke, wakaboozegwa ku bukubusyi bwakwe, a kwiimikila, kamweka mbuli namalelo. Eyo nje nzila Nje yanda kuyeeya bamaama. Nse yandi kuyeeya mbuli mbo babede sunu, kabacembeede. Ndi yanda kuyeeya eco ciboola. Alimwi Ndi lizi mulimvwa munzila eyo kujatikizya bamanyokwe. Komu yeeya mbuli mbwa bedede nconzyo mu moyo wakwe. Nekubakuti banji...mbuli sikuyabila mbwaamba, “Buumi tii bwakali buubauba kuli mbabo, pele niba kabupona alimwi, kukucitila buyo cintucimwi.” Aboobo Leza uyo cibamba nzila kutegwa akakonzye kupona kwalyonse a nduwe. Aboobo Ndili kkomene kuli ceeco.

¹² Nse zyi kaambo, Nda cita kwaambilizya, cifumo eci, kuti Ndiyo kanana sunumasiku, ikuti na Mwami wayanda, aa: *Nguni Oyu?* Nincobeni nsezyi nzila Mbweya kwiicita. Pele Ndali pakasizye kusikila kutandila oora a maminiti ali kkumi, ku kubuziyanya masakati onse, alimwi ndajisi zisalesala a—a kutuminwa kwa cibukilambuta. Nse kazi konzya.

¹³ Elyo Ndi yanda kuzumanana kukombela Dokota Sam. Uya—uya buba kabotu nkabela tuli lumbide. Alimwi Dokota Baldwin a Muka. Baldwin bali mukupona. Baya buba kabotu.

¹⁴ Ndi yanda kuti mubikke mupata mu bulembo bwa mipailo, masika aya. Oyo ngu Harry Lease anselelo awa, simadragi. Harry mweenzuma wangu mugame. Elyo kufumbwa Mbwe kamuzi, Nda kayeeya kuti wa kali Munakristo, mane masakati aya, cindi munyina napa nkumbizyo ya lufutuko lwa buntu bwakwe. Mukwesu Mike Egan waleta i. . . musyomesi wesu okuno, waleta nkani. Elyo Harry uli mu ciimo cibyaabi maningi, okuya ku cibbadela. Ta ndizi na wa yeeya maningi kujatikizya ndime; pele, wakaka mweembeli wakwe, masika aya, na mweembeli wa mbungano oko nkwa unka, alimwi wali kuyanda kuboola kubona ndime. Elyo Ndi yanda kuunka kuyo mubona. Aboobo, amu mukombele Harry.

¹⁵ Tuli kkomene okuno, sunumasiku, kutambula beenzuma okuno, bazwida kumusanza mu Georgia, Mukwesu Welch Evans

a mukwasyi wakwe. Nda bona, abalo, baswayi bambi abo Mbe tazyi, antela baliko okuno cifumo cini.

¹⁶ Ikuti na Nse lubizya, Nda bona Mukwesu a Mucizi Elmer Collins kusule okuya, bazwa ku Phoenix, Arizona. Oh, tamuna cinca. Boneka mbuli kuti mweelede kusama zisani zyanu zyamu njanji, alimwi—alimwi kuboolea kuzwa munjanji. Elyo mwatambulwa kujoka ku muunzi! Nse konzyi kumulomba kukkala awa, nkaambo mwa kajana busena bubotu, mwabona, obo mbubotu loko, Phoenix. Njanda kuyo kkala okuya, buzuba bumwi, lwangu.

¹⁷ Elyo mpawo Nda bona Mukwesu Smith awa, wa Mbungao ya Leza, abusena awo. Mukwesu Smith, lyaka pegwa kuli ndime, bbuku lyako liniini, buzuba bumwi, bwa masikati ijilo, kumazuba. Nsena kulibala pe, pele Njoli zumizya nconzyo, kufumbwa kuti Nke zyi kuti wakalilemba. Lweelede kuba Lugwalo, nconzyo lwini. Leza aku longeze. Alimwi Ndi syoma kuti nkuzwidilila.

¹⁸ A banji bamwi, inga Nda amba. Mwatambulwa nyoonse okuno ku cikombelo. Elyo Nda ibotelwa eyo nyimbo, cifumo eci, ya Mucizi Stricker nja imba, “Walo ulangide kwiinda mu bupange mbuli dayamondi, kuli nguwe.” Bakwesu bangu bana Mennonaiti okuno, botelwa kuba ambabo mukati. Elyo, oh, nywebo nyoonse! Ii mweenzuma okuno, Ndila syoma, uzwa okuya mu Illinois, mwana wakwe ula rekkorda kusule, kuba swaana alubo. Elyo manji loko, Inga nda. . . Uta yeeyi kuti Nda nyansya kwiita zina lyako, pele Nda mutambula nyoonse.

¹⁹ Lino atu bale sunumasiku, kwa ciiyo ca Lugwalo, kuzwa muli Matayo cipati ca 21, kotalikila kampango ka 1 akubala kuyaansi, aka 11 kusanganya.

Elyo cindi niba kaswena afwaafwi ku Jerusalemu, mpaawo bakasika, alimwi bakasika ku Betefage, ku mulundu wa Olife, mpawo Jesu wakatuma basikwiiya bobilo,

Ku baambila kuti, Kamuya mu munzi kunembo lyanu, alimwi nkoonya oko muyo jana mbongolo iisungidwe, a kana kayo: muka zisungule, akuzi leta kuli ndime.

Elyo ikuti na umwi muntu a mwaambila kaambo, mu kaambe kuti, I Mwami ula ziyanda; elyo mpoonya awo uyo zituma.

Konse oku kwaka citwa, kuti kuzulile kwa kaambwa a musinsimi, kuti,

Amwaambile. . .bana basimbi ba Sioni, Amubone, Mwami wanu uleza mu lubombo. . .ka tantide i mbongolo, a kana ka mbongolo.

Elyo basikwiiya bakaunka, nkabela bakacita mbuli Jesu mbwa kabalailila,

Elyo bakaleta kambongolo, a kana, a kutusamika zisani zyaabo, nkabela baka mukkazika ali nzizyo.

Elyo nkamu ya bantu mpati loko yakayala zisani zyayo mu nzila; a kugonka mitabi kuzwa ku masamu, a kwiisabalanganya mu nzila.

Elyo nkamu ya bantu eyo yakeenda kumbele, alimwi abo bakatobela, bakalila, kabaamba, Hosana ku mwana wa Davida: Ulacoolwe oyo uboola mu zina lya Mwami; Hosana kujulu kwini.

Elyo cindi na kanjila mu Jerusalema, muunzi oonse wakazungana, kawaamba, Nguni oyu?

Elyo nkamu yakati, Oyu ngu Jesu musinsimi waku Nazareta...

Atu kotamike mitwe yesu ku mupailo.

²⁰ O Mwami, tula libuzya nco twa kalino wamba, ikuti ni twa kapona mu mazuba ayo. Pele tuponena mu buzuba bupati maningi, cindi notu Mu langila kusika. Elyo mbuli mbo tuli bambila, Mwami, kubamba myoyo yesu, a kuleta maila mukati kutegwa inga twa tebula kuzwa ku myuunda, ku muunzi aku masena akumbi, tula yeeya alimwi mukulangila kupati ku ciindi twaku Mu bona kasika, katantide aa mbizi iituba, kaseluka kuzwa ku milyango yeebeka ya Bulemu, ku kucinca akubamba eyi mibili yesu yakaindi ibola, kuba mubili wabulemu mbuli Wakwe mwini, oko kuta konzyi kuba cibi na kutaba citondezyo ca lufu kusola kunjila. Elyo tuya ku Mu bona mbuli Mbwa bede, a kupona, aku Mu yanda mu makkalo onse ayo aaciza.

²¹ Twa Ku lumba ku mbungano eyi aku mweembeli wayo, aku basyomesi a bamadaikona, aku muntu onse uboola okuno; aku baswayi bali mu milyango yesu, ezyo mbelele zya ciba comwe, pele zizwa luwaya lumbi. Twa Ku lumba kuti Uba longezye, sunumasiku, ku Busyu Bwako.

²² Elyo tusanizye Ijwi Lyako, kutegwa tuunke kuzwa okuno, sunumasiku, a kukanza kuba Banakristo babotu kwinda mbo twakabede lyonse. Akube kuti tuunke a bulangizi bupya mu moyo wesu, a lutangalo, katulindila Kuboola Kwakwe.

²³ Ikuti na ku coolwe kwaba bamwi akati kesu, abo bacisidwe a bapengede, inga tii twaluba kuba kombela. Kutu balo... Kuboola mu buyake, sunumasiku, oko nko twabunganina kukomba, kusika mukati, baciswa, akube kuti bazwe kabaponede.

²⁴ Alimwi inga twa lombela abo bali munzila yaku ponesegwa, mu maanda a mu zibbadela, alimwi bali mu malo aa mapenzi. Twa lumba, O Leza, kuti luse lwako luyo basikila ansi.

²⁵ Twa lombela abo basituncimwa, sunumasiku, batana kulabila a kubona Mwami kuti mubotu, abo batazi nco caamba kuyandwa kuli Leza. Taba mvwisyi buyo eco ncoba sweekelwa. O

Leza, akube kuti kapepele ka redio, na nzila imwi, igume myoyo yabo, a kulimvwa kwabo kunyonenwe kuli Nduwe mulyango wa luse kuutana jalwa kuti bajalilwe anze, kuyo ima ku mbeta kakutakwe luse.

²⁶ Kotu gwasya, Mwami. Ezi zintu twa zilomba mu Zina lya Mwami Jesu, a ku bulemu Bwakwe twa cilomba. Amenii.

²⁷ I bantu bakali syankene ku milyango, a tugwagwa twakali syankene, alimwi kwakanyina nobuba busena bwa bantu koonena. Bakali lede anze lya bulambo, aa masena onse, nkaambo eli lyakali Pasika. Elyo bantu bakasika konse kuzwa ku inyika iitazizilwe, kuzo komba ciindi eci. Cakali ciindi ca kabelele kapasika nika kajaigwa. Elyo... Kakaiminina kuvunwa kwabo kuzwa mu Egepita, mu bwaange. Elyo baka bamba eyi, amwaka. Mwaka aumwi, eli pasika pati lyakacitika. Alimwi cakali cimwi ca ziindi zibotu loko ca i... na kucitika kwa bukombi bwa Cijuda, nkaambo cakali kwaamba ciindi niba kavunwa.

²⁸ Bonse bantu balayanda ku yeeya ceeco, ciindi niba kavunvwa. Obo umwi aumwi wesu, sunumasiku, mbo tu konzya kujoka ku cindi ni twa kavunwa! Eco nco cakaamba kuli ndiswe!

²⁹ Nda konzya kwiibaluka mu lujano lwangu lwini, obo moyo wangu wabulombe mbowa kasukamina kuguma Leza. Nda kayeeya, "Oh, ikuti Nda konzya biyo kutanta akuyo konkomona ku mulyango Wakwe, akwaambaula kuli Nguwe aniini buyo!" Elyo, mubwini, muli kazi kaano kangu. Nda kalibwezela pepa a penso, ndakali kuyo Mu lembela lugwalo, nkaambo Nse kakonzya kwaambaula kuli Nguwe. Elyo Nda kalizi kuti Wa kali kukkala mu zisaka, nkaambo Nda kali Mu mvwide, alimwi Nda kali kubwene kweenda Kwakwe mu zisaka. Elyo ii—ii nconzyo, kazila kakaindi kazizilwe Nke kali kubelesya kuselemuka cindi Ne kali kumvwima na kuya kukuzela nswi. Nda kayeeya, "Njo lugagaila buyo aa cisamu, akulu lembela Ba. Jesu." Munzila imwi buyo kutegwa mukuli kaukonzya kuzwa ku moyo wangu.

³⁰ Oh, busiku obo, kulaale kunselelo! Kwayanda ndaluba musela wangu, kwayanda akwalo Nda liluba zina lyangu kwa ciindi, pele Nse konzyi kuluba elyo oora cindi Na kandi gwisya ku cibi. Cintucimwi cakacitika, kungsi mukati kangu, cakuti cakandi gwasya mu maora mapati mu mudima. I oora lya kuvunwa kwangu, mikuli ya zibi yakandi siya, nkabela Nda kaba muntu mupya. Nda kali cilenge cipya muli Kristo Jesu, kuzwida eelyo.

³¹ Elyo bama Juda aba, ba kasika, mwaka umwi. Elyo kwakali ii—ii kasensa mukati ka mbungano. Elyo ba katola i—i cinkwa, a zisyu zilula, a kabelele, nkabela bakanywa kuzwa ku kasensa aka kamu mbungano. Elyo ba kasekelela antoomwe nkaambo kakuti Leza wakaba tondezya luzyalo. Aboobo, eci mukuba

kutalika kwa ciindi ca pasika, alimwi tee lyakali biyo ca pasika, pele lyakali pasika lisalesale.

³² Nywebo mulizi, kuli ziindizimwi notuunka ku cikombelo a...Tula yanda kuunka lyoonse, pele kuli zintuzimwi eco cintucimwi cicitika cisalesale.

³³ Elyo eci cakali cimwi ca ziindi ezyo. I luwo lwa kafumpwa a bulangizi, mbubonya mbo cibede asunu. Onse meso abaabo baka Mu yanda bakali ku Mu langila kuboola mu mulyango.

³⁴ Elyo Ndi syoma kuti ni mbali mpati ya nzila sunu, nkambo abo ba Mu yanda bala Mu langila. I luwo lwaka fumpwa a bulangizi.

³⁵ Cindi, notu pona mu buzuba obuno, cindi nyika mubwini, yaba cimwi cibikkilo cipati ca pauda. Elyo sayaansi ila twambila kuti, "Alo maminiti otatwe buyo kusika aakatikabusiku." Elyo Ndili masimpe mwakali kubala, mbuli Ndime, buzuba bumwi, ako kaano ka genuro oyu wa mpi, kaamba, kuti, "Ikuti kwakali lumamba lumbi, luya kutola biyo maminiti obilo na otatwe." I mazuba akaindi nkondo, a kudubula malaifo, a kusya malyango a bamwaaba, nko konse oko. Ba taminina kuti lumamba lutobela luyo tola biyo maminiti obile na otatwe. Buzubabumwi, muntu uusandamukide uyo bbotola civuniso cakwe a kudubula limwi lya mabbomba ayo. Elyo cindi bakucita ceeco, tu jisi masena aswiilila, onse, kulidubula kujoka nkonya alubo. I inyika tai konzi kufutuka ncobeni.

³⁶ Onse muntu ku pasika wakalizi cintucimwi cakali kuyo citika, pele tiiba kabazyi eco mbo cakabede.

³⁷ Eyo nje nzila mboibede asunu. Kanji onse ulizi kuti cintucimwi cilafwii kucitika. Onse muntu ulizi obo. Inga waambaula kuli sizibi, inga wambaula ku musambazi, inga wambaula ku muntu onse, alimwi, oh, nciindi eci cakunyema kwa inyika.

³⁸ Pele inga waambaula ku mwaalumi a mwanakazi oyo ulangila Nguwe kuboola, a bulemu buli ku meso abo, kabumweka. Ba langila kucitika oko kupati. Aboobo luwo lonse lwafumpwa alubo, kulangila cintucimwi kucitika. I inyika taizi eco cilafwi kucitika, pele Mbungano ya Leza muumi ilizi eco ciya kucitika. Ba lizi kuti calino mweembo uya kulila, nkabela tuyo Mu bona kasika, katantide mu Bulemu, aa mbizi iituba, a mpi zyaku Julu kazi Mu tobeli. Elyo abo bakafwa muli Kristo baya kukwempwa a kutolwa kujulu kuyo Mu cinga mu mulengalenga. Eco ncotu langila. Tula cisukamina.

³⁹ Elyo twa kaambilwa kuti myuuya ya bamatumbu abo, abamwi, njo twa kanana cifumo cini, kungsi buyo lya cipaililo ca Leza, ilaompolola kuti, "Nciindi cilamfu buti, Mwami? Nciindi cilamfu buti?" Mutumbu uyanda kukubona mbubonya mboyanda kumubona. Elyo bayandwa besu bayanda kutu swaangana mbubonya mbotu yanda kuba swaangana.

40 Ino ndukamantano alubo luyooba, cindi Aku boola! Kuyo swaangana bayandwa besu aku babona mu mibili yabo ya bubuke, a kuba mubulemu, akweenda konse a swaana wa bubuke, kabalangilila bube bwabo, nzila mbo bwakacinca, bubombe a butontozi. Elyo takukabi kubinda a kubbilingana, a kusotoka a gwenuka, nkambo tuyooba a Butamani bonse bwa kupona antomwe.

41 Oh, obu bukkalo bupati bwapenzi lyakuyeya mbo tuponamo, tacili buyo ciindi ca cintu, ka kutanta, a kugwenuka, a kukwempa, baa, mbuzuba buyoosya.

42 Mpawo, mbuli mboba kalindila cintucimwi kucitika, caka bija maningi kuti bunji bwa mbabo ku pasika teebaka Mu bona. Nekubaboobo, ba kalizi kuti cintucimwi cakali kuyo citika, pele nekubaboobo teeba ka Mu bona.

43 Mbubonya mbo kuyooba ku Kuboola kwa Mwami. Kuli bantu banji batalyookezyi, sunu, abo bazyi kuti kuli cintucimwi cilafwi kucitika, pele taba—taba ka Mu boni. Nkambo Uya kuboola mu buumuziyi bwaakatikamasiku, kuzo kwempa eyo Mbungano niini eyo isukamina akulindila akulangila ku Mu bona. Mbe mbabo abo Mbaya kuboolela kukwempa. Bunji bwa basinyika abo bakkala mu bweebesi, a kusanina myuuya yabo ku zintu zya inyika, taba kazibi eco ciya kucitika, kusikila Mbungano ino inkide mu Bulemu, nkambo Uyo boola mbuli mubbi masiku a kuba kwempa. Aboobo inga twa bona kuti twa jokela alimwi ku busena mbubonya. Lino tu jana, kuti, oku kulangila, kuti Leza uboolela abo ba . . . Boonse kwinda mu Magwalo, cakali cintu nciconya. Kutu bali . . . Ula libonya lyoonse kuli baabo ba Mu langila, lyonse kuli abo bayanda ku Mu bona. Elyo Ndili masimpe kuti obo bulangizi buli mu myoyo yesu sunumasiku.

44 Kutandila myeezi ili cisambomwe yakainda, Nda yeeyela, Nda kali kupa bumboni ku bantu bamwi. Elyo Nda kati, “Oh, ku ciyeeya, kuteeti kutandila ciindi cili conse Uyo boola!”

45 Elyo cintu candi citya kwaamba ceeco, Nda kali kukanana zya Mukwesu Bosworth. Cindi Ne kainka kuyo bona oyo musalali wakaindi, cindi ni twakamvwa kuti wa kali kufwa, wamyaka ili makumi ali lusele aimwi yakukomena, mukaintu a Ndime katu selemuka ku . . . okuya kuyo mubona katana kufwa. Nda kacita kwaamba cintucimwi kuli nguwe. Ndila botelwa kulangilila basalali cindi noba njila mu Bulemu, elyo Nda kacita kumubona. Elyo twa kaumpa matayela kuzwa ku mootokala.

46 Pele cindi ni Nda kasika okuya, akubindila ku mulyango, mu kkona niini kwakaledo oyo sikale mupati. Wa kabusya mutwe wakwe cindi naka ndibona nkesika. Maboko aakwe, akompeme akaindi kalengelela, a nyama kailengelela. Elyo wa katambikizya kuboko kwakwe kuli ndime. Elyo Nda kamu kwempa ku nsingo a kukwiila kuti, “Taata wangu, taata wangu,

nkalaki zya Israyeli, a basimbizi bazyo,” nkambo wa kali muntu, musalali munaleza.

47 Elyo Nda kati, “Mukwesu Bosworth, Ndi yanda kubuzya cintucimwi. Sena ula syoma kuti uyooba kabotu?”

Wa kati, “Oh, Ta ndi cisidwe akwalo.”

Nda kati, “Ee, ino ndipenzi nzi?”

48 Wa kati, “Ndiya ku Muunzi.” Wa kati, “Nda katala, alimwi Nda dekela. Elyo Ndi yanda buyo kuya ku Muunzi.”

49 Nda kati, “Mpawo uli zyi kuti ulimu kufwa na?” Nda kati, “Ndi yanda ku kubuzya cintucimwi. Kujokela kaindi mu myaka igambya ili makumi ali ciloba iya mulimo, cakali ciindi nzi cakali cabulemu loko kuli ndiwe? Walombwa ukanane kuli ndime, munene, aku ndaambila obo lujano ndoka jana, mu ciindi ca bweende, kuti inga wabala oora lyako lyakali pati maningi.”

50 Njo pona kuyo bona kukomena kwakwe, inga Nda luba, mbuli ayo meso asiya andi jata, atala lya magilazi ayo. Wa kati, “Omukwesu wangu uyandwa, eci nceciindi cipati maningi ica buumi bwangu. Nse konzyi kuyeeya cindi cili conse cakali cabulemu loko kwinda eci lino.”

51 Nda kamulanga kumeso, alimwi Nda kati, “Munene, sena ucizyi kuti uli mukufwa?”

52 Wa kati, “Mukwesu Branham, Ndili mukufwa awa, nke Mu lindila miniti yoonse uyo jula oyo mulyango a kunjila, kundi tola ku Muunzi antomwe a Nguwe.” Eyo nje nzila ya kufwa. Eyo nje nzila ya kuunka.

53 Elyo mbuli mbo muzyi, kuti, kutandila maora obilo katana kufwa. . . Wa kali, kali lede kacisidwe kapati, kwinda mazuba obilo. Elyo cindi naka pempenukwa, wa kabuka mu kaanda, akutalika kukanana ku mukaintu wakwe. Mpawo, mpoonya buyo, wa kaboneka kumvwisya kabotu. Elyo wa kasukana maanza, kwa oora likubwene na ainda, a beenzinyina, abo bakafwide kwa myaka ili makumi one na makumi osanwe, aba bakali basanduki bakwe mu mbungano yakwe. Kasukana maanza a banyina a bawisi. Kusikila wa kali. . . buumi bwa kasiya mubili wakwe, kaulede ali pilo akuunka koono, mu maboko a Mwami Jesu. Taakwe cintu cili mbuli ku Mu belekela, ku Mu langila.

54 Alimwi mbuli Mbe kali kwaambaula ku mwaalumi oyo kujatikizya ceeci, a kwaamba olo lujano, Nda kaamba ceeci. Nda kati, “Munene, oh, sa tacikabi cabulemu cindi twaku Mu bona? Oh, ikuti na Wa sika sunu!”

Wa kati, “Mukwesu Branham, utano yoosyi bantu boobo.”

Nda kaamba, “Ino upandulula nzi?”

55 Wa kati, “Oh, utano soli kwaambila bantu kuti inyika ilaboola, na Kristo ulaboola. Kula balibilisya.”

56 “Oh,” Nda kati, “peepe. Wati nzi. Kuli baabo ba Mu langila, ni nkani ya bulemu kapati njoba konzya kumvwa, kuti Jesu ulaafwi kuyutuka monse a kubweza Mbungano Yakwe.” Kucembaala kuyo cincwa ku bakubusyi. Lutangalo luyo pegwa mu busena bwa kuungumana. Buumi buya kupegwa mu busena bwa lufu. Kutafwika ku kufwika, ziyo cincana. Oh, ino ncindi, kuziba kuti uyo boola!

57 Ba kali ku Mu yandaula. Ba kali ku Mu langila. Elyo cindi Na kasika, tu jana kuti kwakali mipampo yobilo. Nkamu yomwe yakali ya Nguwe, aimwi yakali kulwana Nguwe.

58 Eyo nje nzila mbo twiijana asunu. Eco nce cintu, kuboola Kwakwe, lyoonse kupambula bantu. Ciindi conse, cindi wamu jana Jesu, uyo bajana abo baya kwiimpana kuli Nkuko. Oyo ngu Saatani. Elyo, asunu, cindi twa ciyeeya, ta tuboni kucinca kunji. Mbubonya buyo. I bantu baka cinca, pele muuya wa bantu tauna cinca.

59 Aboobo cindi niba kalangisya ku mulyango aku Mu bona kasika, katantide a kambongolo ako kaniini katuba, taku gambyi basikwiiya baka talika ku—ku kwiila, “I bwami bwaku Julu kwasika!” I bantu bakazuza kuyo Mu swaangana, a Jerusalemu onse waka botelwa. Kuli cintucimwi kujatikizya nkuko, cindi Jesu asika, lyoonse kula botelezya. Elyo munzi onse waka botelwa. Elyo tii—tii baka konzya ku cisisa.

60 Elyo bakambausi ba buzuba obo bakacita kupa bulunguluzi bwa kubotelwa oku, nkaambo lyakali pobwe lya pasika. Elyo ba koompolola kuti, “Nguni Oyu?” cindi luwo nilwa kafumpwa, a kuboola kwa Mwami Jesu, ku Jerusalemu, kafumpa luwo kuzula bulangizi, ciboneka kuli bamaiyi ba keelede kuziba eco cakali kuyo citika. Ca kaboneka mbuli kuti mupaizi mupati wa kalizyi. Ca kaboneka mbuli kuti bonse bapaizi bambi ba kali cizyi.

61 Elyo tii kwacinca cimwi, asunu, nkaambo Muuya Uusalala musolozzi wa Kuboola kwa Mwami Jesu. Alimwi mbuli Muuya Uusalala mboutalika kusika ku nyika yonse, mililo ya lubukulusyoy ya pasuka, kuli konse, zitondezyo a zigambyo zipati zya kacitwa, kuponesegwa kwa kacitika, zisinsime zya kayutuka. Konse kubungana kwa zilongezyo zya apostoliki zya pilukila ku Mbungano. Aboobo, mbuli mbo kwakabede kaindi, mbo kubede ono, muuya wa sikutasyoma ucoompolola kuti, “Nguni Oyu?”

62 Bamwi babo baka musyoma Mwami Jesu, kwaamba kuti Wa kali Muntu mubotu. Bamwi babo bakati, “Walo Muntu mubotu.”

63 Obo mbo baamba asunu. Ba sola ku Mu bikka mbuli Napoleon, silumamba. Ba sola ku Mu bikka mbuli ii—ii George Washington, muntu wabwini. Pele Wa kali kwiinda awo.

64 Sena mwakabona kubala kwa Lugwalo? Ba kati, “Oyu Musinsimi uuzwa ku Galilaya.”

65 Elyo basola kwaamba cintu nciconya asunu, kakuli bala ubona oyu mulimo mupati wa Mwami: wa kuboozezya, ku nseba, kuciswa a bapenzegwa; ku Mu bona kabelesya Muuya Wakwe mu Mbungano yakwe, wa kutweluka miyeeyo ya bantu; ku Mu bona kacita nconzyo mbuli Mbwa kacita cindi Na kali waano a nyika, kuzulizya eco Nca kaamba kuti ciyo citika; ncobeni, mabungano a bantu bacita, kababuzya boobu, “Nguni Oyu?”

66 Teeba kamwisya obo Jesu mbwa kabede, nkaambo taakwe wabo waka konzya ku Mu zyiba, kwinda ku zikolo zyabo. “Ino Wa kazwida ku seminari ili? Ino ncikolo nzi calwiyo lwabukombi Nkwa kazwida?”

67 Elyo mbubonya mbukubede asunu. Bunji bwa bantu abo bananikidwe Muuya Uusalala tii bakazwida ku seminari imwi. Balo nzipange zya kusala kwa Leza mwini. Pele zitondezyo a maleele, a zigambyo zyaka syomezegwa mu Bbaibbele, zila sangana oyu Muuya Uusalala mulemu mbuli Mbo weenda akati ka bantu.

68 Elyo balaamba sunu, “Ino ncikolo nzi nkoba zwida?” Mbo njilila buyo muunzi, kukuba lubukulusy, “Ino nkabungwe nzi nkozulilwa?”

69 Nda kajisi kubuzyanya buzyanya Bwasanu masikati, a mupaizi wa Romani Katolika uuzwa ku mbungano ya Irish mu Louisville. Elyo Mbwe kazibisigwa buyo kuli nguwe, mwaalumi mubotu wakaiya kapati, wa kati, “Ba. Branham, ino uli antomwe a kabungwe kali?”

Nda kati, “Nseli antomwe akamwi pe.”

Elyo wa kati, mpawo, “Wa kananikwa na?”

Nda kati, “Iiyi, munene.”

Wa kati, “Nguni wa kakunanika?”

70 Nda kati, “I Mwami Jesu waka ndipa Muuya Uusalala, waku kambauka Makanimabotu, a kundipa kulaililwa.” Ee, oko nkokunanikwa nkotu yandikana.

71 Jesu takaambila basikwiiya Bakwe kuti, “Kamuya ku i . . .” Nse kazyi zintu ezyo, pele zya kaponi ku buzuba bwazyo. Ta kati, “Koya, kaiye kuba mukutausi, kwa myaka *minji obu*.”

72 Wa kati, “Amu kalindile mu munzi wa Jerusalemu, kusikila muka zulwe Nguzu zizwa Kujulu.” Wa kaamba eco ku bantu batakali kukonzya kusaina mazina abo. “Elyo kwaakumana obu, Muuya Uusalala waku muwida, mpawo muyooba bakamboni Bangu, mu Jerusalemu, Judaya, Samariya, aku zibeele zili kulaale zya nyika.” Oko nko kusalwa.

73 Ta tujisi bulunguluzi bwa Jesu kusola kuya ku cikolo cimwi, na kumanizya kuzwa ku seminari imwi. Nekubaboobo, kuli maseminari manji akayakwa mu Zina Lyakwe, ku twaambo twa bukombi, kwinda cili conse cimbi—cili conse cimbi cakali

mu inyika. Kwiina notwa kajisi bumwi—bumwi bulunguluzi Bwakwe kusola kuya ku cikolo. Pele, nekubaboobo, kwakali zikolo zinji zya kayakwa mu Zina Lyakwe kwiinda kwakaliko zya musyobo umwi umwi wa zina lyakaliko kungsi lya majulu, zikolo. Tii twaka Mu ziba kulemba bbuku. Nekubaboobo, kwakali mabbuku manji akalembwa kujatikizya Nguwe kwinda malembo onse ambi ayo akalembwa. Elyo, sunu, Bbaibbele Lyakwe ndi Bbuku lya mpuwo maningi liliko mu inyika yoonse, akati ka malembo onse.

⁷⁴ Pele, nywebo mwabona, mu buzuba bwa kuswaya, ba koompolola kuti, “Nguuni Walo?”

⁷⁵ Mwabona, Leza ula bweza cintucimwi eco ciboneka mbuli citakwe, kukubamba cintucimwi kuzwa kuli ncico. Eco nceci Mu bamba kuba Leza.

⁷⁶ Elyo cindi nibaka Mu bona kasika, kenda mu mulyango oyo, bamwi babo bakati, “Walo Muntu mulemu.”

⁷⁷ Ba laamba obo asunu. Kuli zikolo zya lwiiyo lwabukombi ziyiisya, asunu, kuti Jesu wakali Muntu mulemu, kuteeti Wa kali Muntu mubotu. Bamwi babo akwalo balaamba kuti Wa kali musinsimi. Lino, ikuti na Wa kali biyo musinsimi, na Muntu mubotu, tuli mu zibi zyesu. Wa kali kwiindilila kukuba musinsimi. Wa kali kwiindilila kukuba Muntu mubotu. Nekubakuti, Wa kali Muntu mubotu. Nekubakuti, Wa kali Leza—Musinsimi. Pele Wa kali kwiindilila kukuba boobo. Wa kali Leza wakayubululwa mu mubili, kuzo gwisya cibi.

⁷⁸ Elyo mbuli Mbwa kasika, keenda mukati, bantu banji bakati, “Walo musilisi. Oh, twa ka Mu bona kajula meso aboofu. Twa ka Mu bona kacitya basunkuta kweenda. Twa ka Mu bona kapa mupailo, alimwi ntuntumanzi yaka musiya mwana.” Pele, mpawo, ezyo zikozyano zyakali ku Mu tobela biyo nkambo ka zinkwa a inswi.

⁷⁹ Eyo nje nzila makamu mbwabede asunu, banji. Ikuti na kuli musilisi, baa, bala—bala Mu tobela, alimwi Walo buyo—Walo nkasensa buyo. Ikuti na baciswa, bala zuza, akuti, “Oh, sa inga wandi kombela akaka, kutegwa Mwami Jesu andi bambe kuba kabotu?” Elyo mboba zwida buyo mu cibbadela, na bulo bwa kucisilwa, kujoka moonya mu inyika bala unka, mbuli mubwa ku malusi akwe, na ngulube ku ntimba yayo, mbuli Lugwalo mbo lwaamba. Ku Mu tobela buyo ku bubotu mbo bakonzya kujana kuzwa kuli Nguwe. Bala Mu belesya buyo ku ii—ii cipoolo cacikozyanyo cilemekwa, na—na cintucimwi eco—eco ncoba konzya kujana kuzwa kuli Nguwe, akuta langila ku Mu belekela. Eelyo bbunga licizumanana asunu.

⁸⁰ Kwakali basicinsenda bali fuka bakaponesegwa, nkabela omwe waka bweeda kuyo Mu lumbaizya. Na bakali kkumi? Ba, umwi wabo, waka bweeda kuyo Mu lumbaizya, nkabela bamwi babo baka inkila limwi, cakutalumba.

⁸¹ Elyo ikuti na bantu mu America, abo baka ponesegwa ku Nguzu zya Leza, banyona myoyo yabo kuli Leza, inga kwaba lubukulusyo luuma cisi eci lunga lwajala masena onse acita zyakunze acuulu, kuti inga. . . Mantoolo azipakete a mantoolo amawisiki inga kata cino libonyi. I mabungano inga azula. Mathieta inga abula bantu sunumasiku Musondo. Elyo inga kwaba lubukulusyo lupasuka, mu cisi eci. Pele cindi bacibona kucitika, zintu ezyo Leza nzyacita, ba coompolola kuti, “Nguni Walo? Nguni oyu uboola? Wa kazwida kuli? Nguni oyu? Nku bwami nzi nko cicitwa eci?”

⁸² Kuta luba, ku Johannesburg, South Africa. Nda zwaa kusika, kutandila maminiti ali makumi otatwe kakutaninga, mu ndeke. Nda kali mazuba a masiku otatwe mu luwo, nkekatede loko Nse kakonzya ku cizunda pe. Ba—ba kandi tolede ku masena amebeebe oko kwakali bantu baka bungene bali zyuulu zili makumi osanwe na makumi ali cisambomwe. Elyo mbwe katantila buyo a cibumbili, mane Muuya Uusalala. . . Nda kabona, kakusika aa busena, ii—ii bbaasi. Elyo lya kajisi citondezyo ali ndilyo ca, “Durban.” Nda kabona mwaalumi mukubusyi waka kwankwana a kuloboka kuzwa kuli bawisi a banyina, a kuulu komwe kwa mainci ali cisambomwe na lusele kufwiimpa kwinda kumbi. Wa kasamide shaati lituba, a tulembo tu jatilila bulukwe bwakwe. Elyo Nda kabona mwaalumi mukubusyi. Nda kacebuka alubo. I cilengaano cakainka. Elyo mpawo, mu kaindi buyo kaniini, Nda kabona oyo Mumuni kaulengelela atala lya mwaalumi mukubusyi, kulaale kusule mu bbunga. Elyo Nda kalanga, “Nda kamubona kumwi.” Nda kamulangilila, elyo oyo Mumuni wakazumanana kulengelela ali nguwe kwa maminiti masyoonto. Elyo Nda kali kulindila mutoloki kuti ajate mabala accilila. mpawo Nda kabona oyo mwaalumi nguonya mukubusyi kaimikila, kasowela nsi zyeenzyo zyakwe, nkabela kuulu kwakwe kwa mainci ali cisambomwe kwakaseluka kuba kabotu mbuli kumwi.

⁸³ Elyo Nda kaambila Ba. A. J. Schoeman; abo bali mu Bulemu, sunumasiku. Nda kati, “Ba. Schoeman, amubalulule buyo majwi angu. Calo ncilengaano.”

Ba kati, “Kabotu loko.”

⁸⁴ Elyo Nda kati, “I mwaalumi mukubusyi uli kkede kusule okuya uusamide shaati lituba, a tutambo tujata buluke, wa kazwa ku dolopo litegwa Durban, mamaile ali myaanda ili kkumi aosanwe kukosola cisi, mu bbaasi. Elyo wa kaloboka kuzwa kuli bawisi a banyina, kuti aboole. Pele wa musyoma Mwami Jesu, alimwi ujisi kuulu komwe kwa mainci ali cisambomwe kufwifwi kwinda kumwi.”

⁸⁵ Elyo mwaalumi mukubusyi waka sotoka mujulu. Ngooyo mbwakabede, kasola kwaamba makkilacci akwe. Elyo Nda kati, “Mwaalumi mukubusyi, Mwami Jesu waku ponya.”

Elyo ndyoonya kuulu kwakwe kwaka lomponoka mainci ali cisambomwe, ku kuba kabotu, antomwe amwi ayo. Elyo baka leta mwaalumi mukubusyi ku cibumbili, nkabela bamadokotela baka mulangalanga okuya. Mula cibona cifoto cakwe mu bbuku lyangu.

⁸⁶ Nda kaliimvwi alya kwa kaindi buyo kaniini, Nda kabona mootokala, muniini wa girini kauselemuka mu mugwagwa, nkabela waka tezeleka. Wa kanyona, kuya kusule, a kuuma mu samu. Ii musimbi, mukubusyi wa masusu asiya kumutwe wakali. . .waka tyokede musana. Elyo Nda kati, “Nda bona mootokala, muniini wa girini watezeleka kuma mu samu, elyo musimbi mukubusyi wa masusu asiya kumutwe wakali kutandila myaka ili kkumi alusele yakukomena utyokede musana. Uli mu ciimo cibyaabi loko.” Taakwe wakavwiila. Elyo Nse kakonzya ku mubona ali onse mu bbunga eelyo, pati maningi lya bantu. Elyo Nda kaimikila alya kwa maminiti masyoonto. Nda kati, “Mumvwisye. Ngu. . .Muta yeeyeli. Ngu Mwami Jesu, mu Nguzu zya bubuke. Wa katuma Muuya Uusalala kuzumanana mulimo Wakwe.” Elyo mpaawa Nda kabona cilengaano cakacitika alubo. Elyo Nse kakonzya kumubona mwanakazi mukubusyi.

⁸⁷ Mpoonya biyo, kaimvwi nkoonya kumbele lyangu, mpaawa kwakaima oyo Mumuni, mbuli mbo mubona a cifoto. Elyo Wa kaimikila awa. Nda kainka okuya, elyo ngooyo waa kalilede, ansi eni lya cibumbili. Nda kati, “Omulindu mukubusyi, Mwami Jesu waku ponya.” Elyo waa katalika kulila.

⁸⁸ Banyina bakati, “Oh, peepe! Ta mwaambili kuti abuke!” Wati, “Ikuti na waputa, ula fwa.”

⁸⁹ Elyo mulindu mukubusyi waka sotoka ku matende akwe, kakwiila, akulumbaizya Leza. Elyo mutumbu waka wizuka a kuwida mu kalo omo musimbi mwakalede.

Ino ncinzi?

⁹⁰ Kutandila ku ciindi eco, mwaalumi umwi sikukazya wakabuka kusule okuya, a kwiimikila a cituta comwe aa cuuno, a cimwi ali cimbi, nkabela wakati, “Yebo, omuna America! Nda kuzundikizya kuti undaambile Zina mocitila ceeci! Alimwi ino nkabungwe nzi ka mbungano nko zulilwa?” Mwabona?

⁹¹ Calo ncimwi buyo. Taba mvwisyi. Ta balangili zintu ezi. I mabungano taa langili Kuboola kwa Mwami. Elyo Muuya Uusalala uli waano kusimpikizya Kuboola Kwakwe, ku Kuleta kucitika. Kunji loko. . .

Aumwi uyanda kubweza nzila yakwe mwini. Eyo nje nzila mboya kabede okuya. Aimwi nkamu yaka jisi muzeezo wayo.

⁹² Pele oyo tauli mubuzyo sunumasiku. Eco tacili ncintu Nce kananana. Pele mubuzyo Ngwe mubuzya, ngwa, kuti ino mu Ci yeeyela buti? Ci jatikizya ndinywe. Nguno Oyu uya butanta

a kuselemuka masi? Kutali bantu. Bantu taba konzyi kucita zintu ezyo. Nguni Oyo ukanana a kwaambila bantu mu bbunga, mbuli, “Ukkede mpoonya *awa*, abusena *awa*,” a masena aindene mu muswaangano, cindi banakazi a baalumi baletwa mukati omuno, kabafwa? Nguni Oyo?

⁹³ Oyo mwanakazi mukubusyi weenda kunjila busena bwakubbilila cifumo cino, kuti kwa mvwiki zyotatwe zyainda, kafwa ku kkulenge lyaatala ku lukanda, ulapona nkoonya okuno ku Maple Street, Muka. Baity. Elyo Nda kabuzya bamadokotela bakali anguwe. Taa kajisi coolwe comwe cakupona, kajisi bana bone na bosanwe baniini, nkabela baama kali kusola ku bamamela. Bamaama bakati, “Bill, ta kabooli ku muunzi alubo.”

⁹⁴ Elyo Nda kaunka oko nkwa kabede, nkabela Mwami Jesu waakanana, “MBUBOBU MBWAAMBA I MWAMI, ikuti na akainke ku mbungano akusyomezya kubbizigwa mu Zina Iya Mwami Jesu, alimwi uyo mubelekela Leza, uyo unka ku muunzi, kali kabotu.”

Elyo Nda kamubuzya, “Sa uyo cicita eci, omulindu?”

⁹⁵ Elyo waa kati, “Konse nko wamba, Njo kucita.” Mpoonya awo kucisa kwaka mulekezya. Kwiinde mazuba otatwe, waa kasika ku muunzi, nkabela bamadokotela taba konzyi kujana mukondo omwe wa kkulenge elyo.

⁹⁶ Nguni Oyu uboola mu Zina Iya Mwami? Nguni Walo? Walo Muuya Uusalala wa Leza. Ino muzeezo nzi wanu kuli Nguwe? Ino muzeezo nzi, mukuziba mweembeli wako? Elyo cindi mukukkala mu zyuuno ezi awa, bantu bata kkali mu tauni, kabakkede a kasuntu, kabakkede a . . . Mpaawa kukkede mwaalumi, amwi awa, mukwesu muna Mennonaiti, mpoonya awa, sikupenga kasuntu. Nsenamuziba na ku mubona, taakwe cintu cijatikizya nguwe. Elyo ndyoonya buyo, kutandila myaka yobile yakainda, Nda yeeyela, na cintucimwi, inzya, myaka yobile, Muuya Uusalala wa kaita, a kuti “MBUBOBU MBWAAMBA I MWAMI.” Tana kuba a kulebuka kuzwida eelyo. Nguni Oyo? Nguni Oyo?

⁹⁷ Oyu mwanakazi ukkede awa, Munsondo mwainda, ciindi cainda Ne kali kokuno, kaselemuka kuzwa kubusena bumwi mu Illinois. I buzuba buccilila . . . A cikoto cipati mu mbili wakwe, obo bwakali bwa malinginanti. Elyo imwi sayaansi ya masilike yiinda mu Illinois yakali ku mutola ku cibbadela cipati, kuyo pandulwa, mu Muvulo. Elyo waa kali syanikizya munzila. Nsenamubwene na ku mumvwa, mu buumi bwangu boonse. Elyo ndyoonya buyo, Muuya Uusalala waka muvunikila, alimwi Wa kamwaambila kuti wakalini, oko nkwa kali kuzwa, elyo waa kali kwiinka kuyo pandulwa buzuba buccilila. Mbangaye bakali okuno mpawo, ku bona ceeco? Elyo amubone makani kaakunka kujoka. I buzuba buccilila, cindi na kainka kuli dokotela, baka

mweenzya kuzwa ku cibbadela kuyaku cibbadela, nkabela tiiba kakonzya kujana mukondo wa ndilyo.

⁹⁸ Nguni Oyu? Oh, Leza kofwida luse! Nguni Oyu ucita ceeci? Sa inga waba acamba kwaamba kuti wakali mweembeli wako? Nee. Sa inga waba acamba kuti bantu baka jisi cimwi cakucita muli ncico? Nee. Walo Muuya Uusalala, Muuya wakali aa Mwami Jesu wesu. Alimwi Kuboola Kwakwe nkwa kuli kamantanya Mwini a Mbungano Yakwe, kuli mumsi loko cakuti Uli mukumwaya Mumuni Wakwe mupati uusalala, ku kunununa, akuleta mu luswaanano, Mbungano ya Leza muumi, ku Kukwempwa oko kuli afwaafwi. Ameni!

⁹⁹ Nguni Walo? Nse konzyi kuvwiila mubuzyo wako. Nse konzyi ku kuvwiila. Pele Nda konzya kuli vwiilila lwangu. Elyo atala lya desiki eli lisetekene, sunumasiku, mu matwi ayeeyi, nkamu, elyo i-i Bulowa bwakaulwa bwa Mwami Jesu, Nda amba ceeci kuzwa kungsi lya moyo wangu. Kutali kaambo kakuti Ndili umwi wanu, kutali kaambo kakuti Ndi muntuumwi wandeene buyo, pele umwi wa bakanununwa bakasanzigwa ku Bulowa. Ndila syoma kuti oyo Mumuni nguonya ulengelela mu mbungano eyi, sunumasiku, oyo Umwi nguonya, ku bupange Bwawo, kuti Ngu Jesu Kristo, mu ciimo ca Muuya Uusalala.

¹⁰⁰ Kufumbwa oyo uzyi Lugwalo, uli zyi kuti Jesu wakati, “Nda kazwa kwa Leza alimwi Ndiya kuli Leza.” Walo Ka taninga kuba mu mubili wabuntu, cindi kali a Musa mu nkanda, Wa kali Musumpululu wa Mulilo. Elyo cindi Musa nakayanda ku Mu bona, Wa kapa zibeela zyasule Lyakwe kuli nguwe. Elyo Musa wakati, “Uli bonya mbuli Muntu.” Cindi Na kali waano a nyika, Wa kali Muntu. Wa kacita zintu nzyoonya Nzyali mu kucita, sunu, kwinda mu bantu abo Mba kanununa. Ngooyo Ula boola, alimwi uli jisi cifoto Cakwe caka kkopwa. Ino ncinzi?

¹⁰¹ Kwiinde lufu, kuzikkwa a bubuke Bwakwe, Paulo mu lweendo lwakwe kuyaku Damasiko, buzuba bumwi, nkabela Mumuni mupati waka muumina ansi. Abo bantu bali anguwe tiiba kaubona Mumuni. Pele Wa kamuumina ansi Paulo, mane Wa kamucitya kofwaala. Wa kajisi penzi ku meso akwe buumi bwakwe bonse kuzwa awo. Elyo wa kati ciindi cimwi, “Kulesya kuti Nta lisumpuli atala lya kuvula kwa ciyubunuzyo, kwa kapegwa kuli ndime,” cisongozyo mu mubili wakwe, mutumwa wa Saatani, kuti amudinke. Nkaambo kwakali kuvula kwa ciyubunuzyo.

¹⁰² Elyo cindi Paulo naka uminwa ansi, mu lweendo lwakwe kuyo penzya bantu abo bakali kupanga maningi coongo; nkamu ya kazyalululwa, bantu bakali kwitwa kuti basibuzumini bakazya. Paulo wakali mu lweendo lwakwe kuyo penzya baaba, a mapepa mu nkomo yakwe, kuyo baanga akubaleta ku Jerusalemu. Elyo kutandila akati ka sikati, mpaawo kwakaseluka Mumuni, oyo waka muusya kuzwa ku matende

akwe, kuya ansi, nkabela wa kawida mu bulongo bwa nyika. Mpaawo kwakasika Jwi lyakazwa ku Mumuni oyo, kwaamba, “Saulo, Saulo, nkaambonzi nco Ndi penzuya?”

¹⁰³ Elyo Saulo wakanyona, mu ciimo cakwe caboofu, waka lungumana. Elyo ta kakonzya kuubona oyo Mumuni, mupati wabulemu. Elyo wa kati, “Mwami, Ino Nduweni?”

¹⁰⁴ Wa kati, “Ndime Jesu. Nda kazwa kwa Leza; Nda kaunka kuli Leza. Nda kazwa kwa Leza; Ndi bweeda kuli Leza.” Wa kati, “Nciyumu kuli nduwe kusansa cibinzyi.”

¹⁰⁵ Ciyubunuzyo comwe aa musenga oyo uusetekene, ciindi comwe aa busena obo, muntu takonzyi kuba mbubonya mbwakabede. Ii muntu, katana elela kuliita kuti Munakristo, katana konzya kulizibya mwini, weelede kusaanguna kuba a lujano olo lwa kumbo lya lukula, oko nkwa swaana Leza, busyu ku busyu.

¹⁰⁶ Nkambo, sunu, inga waba a musyobo uli onse wa bwiinguzi. Inga wabona Mwami kacita mbubonya buyo cindi Nca kaamba kucita, nkabela basilwiiyo lwabukombi basongo bayo Ci pandulula kutaba ciyandisi. Baya kuti, “Eco cakali ca buzuba bumbi. Ca kali ca *ceeci*. Na, Nca bukkalo bumbi. Na, Ta ciluzi.” Mbuli mbo bakaamba Jesu kuti, “Ngu Beezebule, dyabulosi. Walo musondi.” Alimwi zyonse ezyo zintu, bali jisi bwiinguzi.

¹⁰⁷ Pele cindi muntu asola kuba mu kukwabana a Kristo, aku Mu bona mbuli Paulo mbwa kacita, na ku Mu citikila, takukwe basilwiiyo banji bazya bukombi mu inyika bakonzya kusola kupandulula olo lujano kuti taluli luyandisi kuzwa ku muntu.

¹⁰⁸ Nke kaambo, asunu, taba jisi lujano. Nke kaambo taba konzyi kwaamba . . . bonse bayooti, “Nguni Oyu? Ngwani Oyu? Ino Ci zwida kuli?” Taba jisi bwiinguzi. Nkaambonzi? Nkaambo, konse nko bazyi ndwiiyo lwabukombi olo mbungano ndoya kapanga. Kutali “ku ziba lwiiyo lwabukombi” kuti Mbuumi. Kutali “ku ziba Bbaibbele” kuti Mbuumi.

¹⁰⁹ Pele “ku Mu ziba” bwalo Mbuumi. “Ku Mu ziba” mbuli Mufutuli wako wacigaminina, mbuli Umwi Oyo waka kuzuzya Busyu Bwakwe. Wa kaliko cindi nicaka citika. Takukwe muntu ukonzya ku Ci gwisya kuzwa kuli nduwe. Takukwe umwi ukonzya ku Ci pandulula kuti tacili ciyandisi kuzwa kuli nduwe. Cindi lujano lwacitika kuli nduwe, uli Mu zyi kuti Walo Nguni. Kuli ndime, Ngu Jesu Kristo mbobuca nguwenya, sunu, amuya myaaka.

¹¹⁰ Nguni oyu ucita maleele aya? Nguni ucita milimo eyi mipati? Sa mukambausi? Sa ngu Oral Roberts? Sa ngu Billy Graham? Sa ngu Jack Schuler? William Branham? Kufumbwa na nguni, taba jisi cintu kacucita muli ncico. Balo nzibelezyo.

¹¹¹ Walo Muuya Uusalala kauyutuka a Makanimabotu, mu zitondezyo a zigambyo a maleele, kucitya bantu kulibambila.

I luwo lwafumpwa ku bulangizi, a basyomi kaba Mu langila kusika.

¹¹² Elyo bamwi balaamba, “Nkaambonzi lubukulusyo olu lunji? Nkaambonzi tuli andulo? Atu kkalikile ku mbungano.” Baa, ca kaambwa kuti mu mbungano mpoonya awa, kuti, cindi ni twa katalika kuyaka mbungano mpya, kati, “Ta tuyandikani maleele. Ta tuciyandikani limbi zintu ezi. Mula ziyanda, amuzumanane kuya ku masena akubelekela nko zicitikila. Ta tuziyandi okuno.” Cindi Cikombelo ca Branham caya ansi ku busena, caka bbila.

¹¹³ Eyi mbungano ya kajaninwa aa mulazyo a Nguzu a Makanimabotu aa Jesu Kristo. Elyo kufumbwa eci cikombela kaciimvwi, akube kuti Muuya Uusalala wabulemu uyo jana nzila ku bantu, ku futula, a kuzuzya Muuya Uusalala, a kuponya baciswa. Kuli ndime, ngu Jesu Kristo mbobuca nguwenya, sunu, amuya myaaka.

Atu kombe.

¹¹⁴ Ikuti na tomuzyi kuti Walo Nguni, tozyi cintu conse eco nco caamba, ankabela uyanda kuziba, inga wacita mbubonya mbuli kutambika janza lyako? Elyo wati, ku kutambika janza lyakwe, “Kondi kombela, Mukwesu Branham, kuti Njo Mu ziba.” Elyo Mwami aku longezye. A boonse bazungulikide, Nda abona maanza anu.

¹¹⁵ Lino, Taata Wakujulu, twa leta oyu Mulumbe, a micelo ya bantu kabatambika maanza abo, kuti bayanda kuziba kuti Oyu Nguni. Ba yanda kuzibilana a oyu Jesu mupati. Kuteeti, Kuboola Kwakwe, kwa bubuke, kuli afwaafwi loko, kusikila baciswa bali mukuponesegwa. Elyo kumane kucitika ceeco, mpawo cisinsimi cakasika mu Mbungano, mpawo cipego a maleele, lino kuselemukila ku citondezyo eco camamanino. I citobela ciyosika, Nkukwempwa, Mbungano iyo tolwa. Alimwi swebo, Mwami, notwa taminina ku Kuziba mu Nguzu zya bubuke Bwako, tula lindila, a kusukamina, a kulila, kulombelela kuti, “Boola, Mwami Jesu!”

¹¹⁶ Kwempa Mbungano Yako a Kwi gwisya cakufwambaana, Mwami. Nkambo, cakubinda, bantu bayo bbotola nyika Njo kabalengela kukkalamo, nkaambo tiiba ka Ku swiilila. Tiiba kaiya zya luumuno, pele lumamba. Tiiba kaiya bululami, pele ba kaiya kusunda. Obo bonse mbaba takakonzyi kuba basikuyandisya nguzu! Mwami, kabeela kaniini mu myoyo yabo kababamba kuyandisya nguzu, basola ku cikkutya mu labbotatori kumwi, kubbotola muntu nyina.

¹¹⁷ Leza, ikuti bakonzya biyo kuziba kuti ezyo nguzu nzoba sukamina ni Nguzu zya bubuke bwa Mwana wa Leza, Nguzu zya Muuya Uusalala kukucinca maumi abo; kuta bbotola masi, pele kucinca maumi abo aku babamba kuba balanda Bako.

¹¹⁸ Bantu banji, bakaumwa akuyandisya kwa luuni, bala tuziba mbuli cikama ca “kutaziba cintu,” alimwi—alimwi

mbuli “basibuzumini bakazya,” mbuli mbo bakacita ku buzuba butaanzi. Pele mbuli mbo bakabweeda, kabasekelela, kaba Ku lumba kuti baka konzya kuyumuna sampu lya Zina Lyako. Oko nko kulimvwa kwa bana Bako, sunumasiku, Mwami, koonse. Tu kkomene biyo.

¹¹⁹ Bamwi mu buzuba Bwako bakasola ku Kuziba. Ba kati, “Walo mulongwe wa bantu wamusokwe, Johane, oyo wakazwa mu nkanda kata samide zisani kumaninina, cita buyo kakutu kambelele kakavumbide nguwe. Muntu wamusokwe wakaamba majwi cakanyetunyetu, kujwe a kumbo, a kuti, ‘I kaleba kali bikkidwe ku miyanda ya samu.’” Kati, “Walo ii—ii mutobeli wakwe. Walo muntu wamusokwe. Uli sondokede. Ta kkwene mu mizeezo Yakwe.” I mulimo wiindakugambya oyo wakali a Nduwe, O Mwami, wakofwaazya meso ayo.

¹²⁰ Elyo mbocibede alubo sunu: Oyu Muuya Uusalala mulemu kausololela Kuboola kwa Mwami, mbuli Johane mbwa kacita mu buzuba bakwe, kaofwaazya bantu, kuli baabo batayandi kubona. Pele kuli baabo bali bambilide kubona, Wa kaba sala. “Elyo bonse Taata mbaka Ndi pa bayo boola kuli Ndime,” Wa kati, “alimwi kwiina wabo uya kusweeka. Elyo Njo mubusya ku buzuba bwa kumamanino.” Twa Ku lumba nkambo ka ceeci.

¹²¹ Elyo abo batambika maanza abo, sunumasiku, twa lomba, O Mwami, kuti Uyo liyubununa Omwini kuli mbabo, mu lujano, mu Nguzu zya bubuke. Ko cipa, Mwami.

¹²² Elyo bamwi kwayanda tabako awa, abo bata tambika maanza abo, pele nekuba, mu moyo wabo, balizyi kuti bali kubulide. Nda Ku lomba kuti ubalongozeye, aku bapa kuyandisya kwa moyo wabo.

¹²³ Cindi twa zwa mu buyake, sunumasiku, akube kuti twiinke katuli bantu bacincide. Akube kuti twinke a bukanze bwandeene kwinda mbo twa jisi, twasika mukati, ikuti na bwaliimpene ku luyando Lwako lwa Buleza. Akube kuti tuzwe a kukanza kujatilila ku meja aa cipaililo, kusikila buntu bwesu bukkutile kuti twa jisi lujano a Nduwe, alimwi tu lizi Oyo ngo tukanana, nkaambo twa Mu swaana aku Mu ziba, akuba a luswaanano a Nguwe. Kopa zintu ezi, Taata. Ponya baciswa abapengede.

¹²⁴ Longezya mweembeli wesu mubotu amuyandisi. Leza, twa komba kuti Uyo oba anguwe a bacizi bakwe babotu, mbuli mbo baimba Makanimabotu, a Kwa akambauka mu redio yabo.

¹²⁵ Longezya beenzu mu milyango yesu. Mwami, akube kuti baunke, sunumasiku, a kucinca mu moyo wabo, a bukanze kuti balo, kuzwa ku oora eli, ikuti na taba Ku zyi alimwi tabana Ku belekela, kale, akube kuti baka Ku belekele. Mukuziba ceeci, kuti, “Zyonse zintu zinji ziya kuba zyabuyo, pele Ijwi lya Mwami licinoliko kwalyonse.” Ko cipa, Taata.

126 Kotu jatila, zibi zyesu zyonse. Alimwi akube kuti tuswaangane kuli eyo mpati...[Kabeela katakwecintu aa teepu—Mul.]

Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

127 Lino, kumane Mulumbe, atu kotamike buyo mitwe yesu aku Mu komba, mbuli mbo tu Mwi imbila.

Nda Mu yanda,
A moyo wako onse.

Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

128 Mbangaye ba Mu yanda ncobeni? Tambika janza lyako, kwaamba ceeci kuli kamboni, “Nda Mu yanda.” Oh, sa Tali mubotuloko? Nywebo mulizi, Nda botelwa kubamba obu a kunywa buyo mukati, bumwi, Busyu Bwakwe. Ijwi Lyakwe, lya unka, Lya wida mu myoyo. Lila tululamika. Li tuleta mu kuswiilila ku Muuya Wakwe. Obo mbo cili cibotu ku Mu komba ncobeni mpawo! Lino, mbuli mbo mwiinka kuzwa ku cikombelo, sunumasiku, kamuya, ka Mu mukomba.

129 Elyo amuyeeye, mvwiki ino, kuli muswaangano wa mipailo okuno Bwatatu masiku. Muta lubi kapepele ka Mukwesu Neville Munsondo, na mu Mujibelo, aa naini okuloko, ku WLRP. Nda botelwa kubamvwa, tamu citi? I kkoteeti, na baimbi botatwe, limwisya kabotu loko. Mukaintu a Ndime, a bana, toonse tula sika ku redio niini a—a kwi bungilila, akuswiilila Mukwesu Neville a kapepele kakwe, a majwi akwe mabotu, obo mbwa sumpula Leza oyo ngwa yanda a kusyoma. Muta kaambi eci ku... .

130 Nywebo nobeenzu okuno, ikuti na tamu jisi mbungano ya mu muunzi, amuboole mu tusangane. Nda mwaambila, kutali kwaamba ceeci a nguwe kakkede awa. Peepe, munene. Nda amba ceeci, ziindi zinji. Nda muyanda Mukwesu Neville. Eci, kusaanguna, ngu silwiiyo lwabukombi. Cintu citaanzi, mwana wa Leza. I cintu citobela, uli mbubonya mazuba onse. Nda muziba kwa myaka. Ta cinci, nokuceya. Ucili Orman Neville, mulanda wa Mwami Jesu. Alimwi Ndi yeeya kuti ujisi... .

131 I busiku bumwi, Nda kamutumina, ku mubuzya kuti na taka jisi, mu mabambe akwe, kutu bambila busena kuselemuka akuzo kombela baciswa. Kwakali umwi wa kali kuboola, cali cifumo eci, nywebo mulizi. Elyo mukaintu wakwe muniini wavwiila fooni, elyo Ndali kwaambaula ku mukaintu wangu, kusule okuya, kujatikizya ncico.

¹³² Elyo obo tulumba Leza ku mukaintu wakwe muniini mubotu a mukwasyi wakwe. Eco ncibotu loko. Cindi wabona mukutausi a mukaintu wakwe kaba zwidilila boobo, mu bubotu a bubombe, eco cibamba mbungano kweenda kabotu maningi. Eco ncibotu loko mbuli mbwa yabuya.

¹³³ Mula Mu yanda amoyo wanu onse? Ncibotu. Tuli jisi lwiimbo lwa kumwaikila ndo twiimba kuti, *Ko Tolelela Zina Lya Jesu*. Elyo kotupa bwiimbe buniini, mucizi, ikuti na ulii jisi omuya mu bbuku. Alimwi tula imba lwiimbo lwesu lwa kumwaikila. Elyo cindi twa imba kabeela kataanzi, tu ya kunyona, akusukana maanza umwi aumwi. Yaa. Kotupa bulile.

. . . tolelela Zina lya Jesu,
Mwana wa buusu a mapenzi;
Liyona kupa lutangalo a luumbulizyo,
Ko Li tola konse nkoya.

Zina liyandisi, O mbolili bbotu!
Bulangizi bwa nyika a lutangalo lwaku Julu;
(Leza aku longezye, mukwesu.)
Zina liyandisi, O mbolili bbotu!
Bulangizi bwa nyika a lutangalo lwaku Julu.

Atu bweze kabeela aka ono:

Ku Zina lya Jesu kukotama,
Kuwa cakufugama ku matende Aakwe,
Mwaami wa bami ku Julu tuyo Mu samika
musyini,
Cindi lweendo lwesu lwaakumana. (Sa eco
tacikabi cibotu?)

Liyandisi. . . (Zina liyandisi!) Oh mbolili
bbotu!
Bulangizi bwa nyika a lutangalo lwaku Julu;
Zina liyandisi, (Zina liyandisi!) Obo mbolili
bbotu!
Bulangizi bwa nyika alutangalo lwa. . .

¹³⁴ Mbangaye baibaluka lwiimbo lwesu luniini ndyo twa kali kwiimba lwa, *Muta Lubi Mipailo Ya Mikwasyi?* Mula iyeeya na? Ta ndi. . . Thelma, naa uli zyi obo, na bulile, na pe? Atu lusole ciindi comwe. Mula iyeeya na? Atu. . . Ndiza Nda konzya kwiisola lomwe andinywe.

Muta lubi mipailo ya mikwasyi,
Jesu uyanda ku muswaana okuya;
Uyo mubambila ziyandika zyanu zyoonse,
Oh, muta lubi mipailo ya mikwasyi.


¹³⁵ Mbangaye baba a mipailo ya mukwasyi? Eco ncibotu. Atwi isole alubo. Njo ijosya omuno. Nda iyanda eyo. Toonse antomwe eno:

Muta—muta lubi mipailo ya mikwasyi,
 Jesu uyanda ku muswaana okuya;
 Uyo mubambila ziyandika zyanu zyoonse,
 Oh, muta lubi mipailo ya mikwasyi.

¹³⁶ O Mwami, kuli lemedwe mu Magwalo, kuti baka gwisya ku mubili wa Paulo tutambala na tusila, nkabela myuuya mibi ya kazwa ku bantu, a malwazi akaponesegwa. Twa komba, O Mwami, kuti mbuli ciyanza, ciyo tondezegwa ali baaba, sunumasiku, mbuli Mbwe tutuma ku bantu babulide a baciswa. Okuya kumasena amu zisi, kuli umwi ulangila akulindila eci kucitika. Nda komba, Taata, kuti Uyo cipa mu Zina Iya Jesu, Mwana Wako. Ameni.

¹³⁷ Lino Ndila lomba, mbuli mbo tukotamika mitwe yesu, walo Mukwesu Smith muyandisi loko okuya, kuzwa ku Mbungano ya Leza, oyo ngo twa kajana, mbuli buyo Mukwesu wesu Neville okuno, kuba mulanda, wini, uusyomeka wa Leza, Ndila mulomba kulomba zilongezyo ali ndinywe, kuzumanana kwiinda mu mvwiki eyi iboola. Leza amu longezye, mane tuka muswaanganye alubo.

¹³⁸ Mukwesu Smith. [Mukwesu Smith ulapaila—Mul.] Iiyi, Mwami. Ko cipa, Mwami. Iiyi. Iiyi. Iiyi. Iiyi. Ameni.

¹³⁹ Amusukane maanza umwi aumwi. Watambulwa alubo, ku cikombelo. Leza amu longezye. 

NGUNI OYU? TNG59-0510E

(Who Is This?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa aa Buzuba bwa Bamatumbu, Munsondo mangolezya, Kaandakanini 10, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org